



Jesu Kreste Yaswana Maabani,
Kacenu Ni Kuya Kuile

ka

Rev. William Branham

LINZWI LA PILI

Buka ye in'ozwi kuli yo kamukana yaibala azibe kuli Jesu
Kreste Usa pilisa ni Kufolisa batu.

Ki tumelo yaka kuli Yena atuha abonahala hape.

Buka ye ibulela kamwa Na ketezi mushimani ni kumu bizeza
kwa bulumiwa bwa Hae, mo mushimani na balehezi kuzwa ku
Yena fa nako nyana mi ni kukutela ku Yena ka pilu kaufela.

TAPELO

Oho Ndate ya mwa Lihalimu, nakupa aku fuyole yo kaufela
yabala buka ye.

Habazibe kuli Ukabiza Keleke ye maata cwanon'u,
yelusikabe lubona.

Lusa kulumela.

Bupa nyolelo mwa pilu ifi ni ifi mi, Oho ya Lukile, tusa
mutanga'hao ya ishuwile kuzwiseza pili lin'usa la Hao.

Naziba Neu ni patile mwa mataka, sina mone Uezelize
Mushe ka mulelo womun'wi.

Kacwalo Ndate, nituse kuli ni kanyise libizo la Hao, kakuli
Nakupa mwa Libizo la Jesu.

Amen.

Jesu Kreste Yaswana Maabani, Kacenu Ni Kuya Kuile

Nenipepezwi mwa Cumberland County, Kentucky, mwa kandu kakanyinyani ka mabala. Bondate ni boma neba nyalani bali babanyinyani mi Nenili mwana wa mweli. Nibile nibulelelanga boma kuli nako yen'wi hane nili mwendi wa likweli ze silezi, mi bondate nebasiyo fa lapa, nelutamilwe ki mezi-makaza mwa malundu mwa mazazi nyana. Nelufelezwi ki sico mi boma neba fokola nako kaufela. Mafelelezo bahupula kuli maungulo naatile. Nebaize kuli neba kubukanyize libyana za luna kulobala ni zona ni kuni nanula mwa mazoho abona baluputaputela mwa ten'i kuli lufutumalelwae kamo nekukonahalela kaufela.

Mwanahesu mubali, Nilumela kuli sani nesikaba mafelelezo aluna kabe Mupulusi wa luna ya lilato nasikaiponahaza kuluna kanako yani. Kono Yena ufa kaufi nako kaufela ni kubonahalanga kanako ye lukela. Na ambozi ku mwana-Mulimu yene lubapani niyena ni kumu bulelela kuli atahé kwa kutobona libaka hane kusa tushani musi fonelupila mwa mazazi nyana. Hana fitile ni kukena mwa kandu ka mabala na fumani boma ni na nese luli mwa lukupwe. Sa anga likota niku tumbula mulilo. Mi akutela kwa kandu kahae kuyo lungela lico. Han'i-han'i lwatoikutwa maata ni kutosaela hape. Kulumbwe libizo la Hae ka sani.

Hasamulaho wa fani lwasiya tolopo ya Kentucky ni kututela kwa Indiana. Bondate bayo belekela ku mulimi bukaufi ni Utica, Indiana. Nelupilile kwani mwendi mwaha ulimun'wi ni kushenyenza kwahule kwa musindi wa Ohio. Lilimo nyana zafita minese Ni hulile kuba mushimani ya-tiile fo Mulimu na ambola kuna.

Nenili mwa musipili waka manzibwana aman'wi kuisa mezi kwa ndu kuzwa kwa sishete, senesili mwendi buhule bwa munzi kuzwa kwa ndu. Mwendi sihali-hali mwahala ndu ni sishete nekuyemi kota yakale ya mupolota. Nenisazozwa feela kwa sikolo manzibwana ani mi bashimani baban'wi bane lubapani nibona nebaya kwa lisa la kale kuyo yamba. Neni lilela kuya kono bondate bali neNi lukela kuka mezi. Neni yemi mwatasa kota kuikatulusa foo han'i-han'i Nautwa moya o fukuza matali. Nenizibile kuli neusa fukeli kusili. Neubonahala musihali wono kuzize maswe. Nashenya kuzwa mwa kota ni ku lemuha kuli sibaka sa buima bwa mupaipi nesibonahala kufukela mwa matali. Mi kwataha linzwi lelili, "Usike wa nwa, kuzuba, kamba kusilafaza mibili wa hao ka nzila kaufela, kakuli ninani musebezi o'kaeza hase uhulile."

Nelinisabisize maswe, kuli Namatela kwandu kono Nenisika bulelela mutu kazaten'i. Nenisa nwi kamba ku zuba. Nalumela Mulimu uka eza musebezi womutuna mwa nako ya mafelelezo.

Hanenise Ni hulile kuba yakona kuba mwa lyango nyana, nebanisomanga ni kubulela kuli neNili yaswana sina musali kakusa zuba ni kunwa. Nebabulela kuli niheba basizana neba nwa ni kuzuba ni kuli neba nani bunangu kuNi fita. Neni swabanga fani kubabulelela sene si ezahalile mwa bupilo bwaka. Kono, balikani babalatiwa, kaniti Nibanga ni kanya hanimano bulelela lifasi kasona kacenu. Halleluya!

Kasiyemo sa lilimo ze lishumi kazene Neni holofezi maswe haNe ni zuma. Nalikelelwa ki likweli ze supa mwa sipatela. Mulimu nabulela ni Na kono neNisa telezi. Pizo yaba yetuna-tuna ya niti kuna. Kono kakusa hulela mwa lapa la si Kreste Nalika kuihanyeza. Linako zen'ata Neniutwanga lani lelisisan, linzwi lelinyinyani linze li biza, kono Nenili hanyezanga. Natoba mwa muinelo wa kuli neNisa yemeli za kuutwa keleke halibulelwa.

Kazazi lelin'wi Naitakaleza Neni fumani nzila ya kubaleha pizo yani. Neniya kwa wiko kuyo sebeza kwa likomu. Mulikani, Mulimu kiyomutuna kwande kwani ka mwa inezzi kwa sibaka kaufela. Hakutusehe ka zibo yaka. Haka ku biza, hakumualabe.

Kakusasa omun'wi ka kweli ya Muimunene mwa silimo sa 1927, Na bulelela boma Neniya musipili wakuyoina kwa Tunnel Mill, butelele bobueza limaele ze lishumi ka zene kuzwa kwa Jeffersonville konelupila ka nako yani. Nenise nihupuzi kale za musipili kuya kwa Arizona ni balikani baban'wi. Fo boma habatoutwa kuna hape, Nenisi kwa Tunnel Mill kono mwa Phoenix, Arizona, kumatela kwahule kuzwa ku Mulimu wa Lilato. Bupilo bwa likomu nebula bobunde mwa nako nyana, kono kapilipili bwa supala, sina minyaka kaufela ya lifasi. Kono Nibulele fa, Kulumbwe Mulimu, kuli kutwisiso ni Jesu ihulela kwa munati ni munati ka nako kaufela mi haisupali. Jesu ufanga kozo yetezi ni kuomba-omba nako kaufela.

Linako zen'ata hani utwanga moyo hausweli kufuka kufitela mwa likota ze telele za mipulanga. Kubonahalangha inge Nika utwa linzwi la Hae halibiza kwahule kwande mwa mushitu, lili, "Adama, ukakai?" Linaleli nelibonahalelanga fa kaufi nemukakona kulinopa ka mazoho amina. Mulimu nabonahala kuba fakaufi hahulu.

Nto ilin'wi yesabonahala bunde hahulu kuna ka na ha yani ki mikwakwa mwa lihalaua. Musa keluha feela mwa nzila, mukalateha kabubebe luli. Linako zen'ata bazwahule hababonanga mapalisa mwa lihalaua bazwa mwa nzila nikuyo a yanga. Baka yambaela mwa lihalaua mi fokun'wi babulaiwa ki linyolwa. Kimo kuinezi ni mwa nzila ya si Kreste – Mulimu unani nzila ye kambama. Wa ambola ka yona mwa Isaya, kauhanyo ya 35. Ibizwa "nzila ye kambama ye kenile". Linako zen'wi tuminyaka totunyinyani twa lifasi twamikelusanga kuzwa mwa nzila. Kona kuli mulatehezwi ki

zibo yamina ni Mulimu. Mwa lihalaupa hamulatehile, nako yen'wi kubonahalanga siyunda. Kwa batu bababulaiwa ki linyolwa, siyunda sikaba nuka kamba lisa. Han'ata batu bakitimelanga ten'i kwanda kufumana kuli batapa mwa lishabati leli cisa. Fokun'wi Diabulosi ukamibonisa nto yen'wi yabulela kuli ki nako yende. Ki siyunda feela sani, kisika sesi siyo. Hamuka utwela mukaipumana munze muipundekela maswenyeho fa halimwa toho yamina. Usike wamuteleza, mubali yalatiwa. Lumela Jesu yafanga mezi apila kubani baba lapile ni kunyolelwa.

Zazi lelin'wi Neni amuhezi lin'olo kuzwa kwa ndu la kuli alimun'wi wabanyani baka babashimani na kula hahulu.

Neli Edward, yena ya ni tatama. Enisha Neni hupuzi kuli nesi kukula kokutuna, kacwalo Neni lumela kuli nakaba hande. Kono manzibwana aman'wi hasa mulaho a mazazi nyana haneNizwa kwa tolopo neNifita mwa muyaho wa mess kone bauta likomu na bona pampili fa tafule. Nai pamula, Neibala kuli, "Bill, zwela kwande kwa mafulelo akwa mutulo. Ki taba yebutokwa luli." Hanimano bala kan'olo mulikanaka ni Na lwa zwela kwa mafulelo. Mutu wa pili yene ni katani neli mubeleki wa kale Lone Star wa kwa likomu yatalifile. Libizo lahae neli Durfy, kono nelumu bizanga "Pop." Nanani sifateho sesi swabile fa pata' hae hana sweli kubulela haali, "Billie Mutangana, nikulwalezi likande leli tomola pilu." Kanako yani munna wa batu ataha inza zamaya. Bani bulelala kuli telegram nesazo lila feela yene'ambola kaza lifu la munyanaka.

Mulikanaka ya latiwa, ka nako nyana Nenisa koni kushenya. Neli lifu la pili mwa lubasi lwa luna. Kono Nibata kubulela kuli nto ya pili yene Ni hupuzi neli yakuli kana naitukiselize kushwa. Hane nisikuluhile ni kutalima mwa buse bwa lihalaupa leli n'andatalukeke, myoko yamata fa malama aka. Nahupula moneluikataleza hamoho haneluli bashimani babanyinyani mi ni mone kulutatafalelanga.

Neluyanga kwa sikolo kusina sesin'wi sa kuca. Minwana ya mahutu neipunyize kwande a makatulo aluna mi nelutinanga likoti za kale ze pinin'ilwe mwa mulala kakuli nelusina lihembe za kuapala. Mone ni hupulela hape lizazi lelin'wi Boma nebanani matuyu-tuyu mwa kangongolo nyana a sico sa musihali. Nelusikaca hamoho ni banana baban'wi. Nelusakoni lico sina zene banani. Nelushonokanga kwa mulaho wa lilundu ni kuca. Nahupula kuli zazi lene lunani matuyu-tuyu nelu hupuzi kuli neli mbombolelwa luli. Kona kuli kakusepahala Neningile siemba saka sa ona Neni yanga musihali usika kwana kale, nan'wata sishan'ata kutaza lizoho munyanaka asika 'nga kale za hae.

Mi ninze niyemi nitalimile kwa lizazi leli pazima Nahupula lika zani kaufela mi nikukengeyela haiba Mulimu namuisize kwa sibaka sesinde. Mi hape Mulimu ani biza, kono sina kamita nalika kuhanyeza.

Naitukisa kutaha kwandu kwa maswabi. Fo Rev. McKinny wa kwa Keleke ya Port Fulton, munna yali fela sina ndate kuna, akutaza sebelezo ya hae nabulezi kuli, "Kwakona kuba baban'wi mo babasazibi Mulimu, haiba kucwalo, hamumu libelele cwanon'u."

Oho mo Neni byangulezi sipula saka, Mulimu nasweli kusebeza hape. Mwanesu mubali, hakabiza, mualabe.

Hanina kulibala mo ndate ni me babotana ba batu nebalilezi hasamulaho wamaswabi. Nenibata kukuta kwa Wiko kono boma banihapeleza kuina mi kwa mafelelezo nalumela kuina haiba Neni ka fumana musebezi. Kapili senitofumana musebezi kwa katengo kaba Public Service Company ka Indiana, kona koni fumani musebezi cwale.

Hasamulaho wa lilimo mwendi zepeli haninze nitatuba mwa benkele ya meter kwa musebezi waba Gas mwa New Albany nenii taselizwe ki moyo mi mwa lisunda Na kuliswa ki wona. Neniile kwa baalafi kaufela bene niziba. Nenisa

imuluhi. Na nyanda ni acid mwa mba, yene tisizwe ki moyo yaba butuku bobutuna. Nikuekeza kuopa nako kaufela. Nenisizwe kwa baalafi mwa Louisville, Ky. Mafelelezo bali neli sishela nikutobulela kuli Nenina ni kupazuliwa. Nenisakoni kusi lumela, kakuli nenisika be niba ni kuopa mwa makupo. Ba alafi nebaize hakuna seba kona kueza konji ha ne baka ni pazula. Mafelelezo se ni to lumela kuli iezahale kono natundamena kuli baitusise nzila yebunolo kuli ni iponele haninze ni pazuluwa.

Oh, Neni bata yomun'wi kuyema kwa tuko nina yana ziba Mulimu. Neni lumela mwa tapelo kono nenisa koni kulapela. Kona kuli mukutazi yana zwa kwa First Baptist Church saya nina mwa muzuzu wa kupazulelwa.

Hane bani zusize kuzwa fa tafula kuniisa fa mumbeta waka Naikutwa isali na ninze nifokola ni kufokola nako kaufela. Pilu yaka nesa nati. Nautwa lifu fa halimu aka. Moya waka nosweli kupumeha nako kaufela. Nenizibile kuli nenifitile kwa mafelelezo a nzila yaka. Oh mulikani litela mi haseufitile kwani kihona uka nahana lika zen'ata zoezize. Neniziba kuli nenisikabe ni zuba, kunwa kamba mikwa kaufela ye masila kono nenizibile kuli nenisika itukisa kuli ni kopane ni Mulimu waka.

Mulikani, haiba usilama feela sa keleke sesienyena sesi bata sa keleke ukaziba haukafita kwa mafelelezo kuli hausika itukisa. Kona kuli haiba sani kona soziba kaza Mulimu waka, Nakukupa kuli honafa uku bamefafasi ka man'wele mi ukupe Jesu kuli akufe kutwisiso ya kuba ya Pepilwe sinca, sina cwalo Hana bulelezi Nekudema kaza ten'i ku Joani, kauhanyo ya 3, mi oho mo milangu ya nyakalalo ikalilela—Kulumbwe Libizo la Hae.

Kwa kala kuunsufala mwa muzuzu wa sipayela inge kuli neli mwahala makota amatuna. Neni kona kuutwa moyo unzo fuka mwa matali, konohe nekubonahala buhule mwa mushitu. Mukile mwa utwa luli moyo ofukuzanga matali, onzo taha bukaufi ni bukaufi ku mina.

Seni hupula kuli, “Ki hande, le ki lifu leli to ninga.” Oho! moyo waka nolukela kukopana ni Mulimu, Nalika kulapela kono nenisa koni.

Bukaufi lin’ungwa la taha, ka muhuwo o pahami. Matali ashakasha mi honafani Neniile.

Kwatobonahala hape kuli nenii kutile mwa mushimani yanainzi mahutuhutu, ya yemi mwatasa’ mun’ambamo wani mwatasa’ kota. Natoutwa linzwi leliswana lani leneliize, “Usike wa nwa kamba ku zuba.” Mi matali one Ni utwile nali aswana ana fukile mwa kota yani zazi lani.

Kono kanako ye linzwi lali, “Neni kubizize mi neusikaya.” Latokutela lwa bulaalu.

Mi Nali “Mulena, haiba yani ki wena, hakunituhelele ni kutele mwa lifasi mi nika kutaza Evangelii kuzwa fa lituwa za mandu ni mwa makozwana a linzila. Nika bulelela mutu kaufela kaza lona!”

Pono ye haneifitile, Natofumana kuli haNisikabe niikutwa hande. Yana ni pazula nasali mwa muyaho. Ataha ato ni talima mi nakomokile. Nabonahala inge nenii ka shwa, mi ali, “Na hani mutu ya-yanga kwa keleke, musebezi waka kiwomutuna, kono naziba Mulimu upotezi mushimani yo.” Kikabakalan’i hana bulezi sani, Hanizibi. Hakuna yakile abulela sesin’wi kaza ten’i. Kabe neNi zibile fani seNi ziba cwale, neNika zuha kuzwa fa mumbeta wani ninze ni huwa kuli kulumbwe Libizo la Hae.

Hasamulaho a mazazi nyana nenii lumelelizwe kukutela kwa ndu kono neNisa kula mi na hapelezwa kutina magilasi fa meto baken’isa kuzinguluka. Toho yaka neinyanganya haneNi talima sika fa nako ye telele.

Senikala kubata ni kufumana Mulimu. Nenile kuzwa keleke kuya keleke kulika kufumana sibaka kone kunani kubizezwanga kwapili kwa kale. Siemba sa matomola pilu kikuli neNisika fumana ni sesikana. Senili kambe neNili

Mukreste, neNikaba yena luli. Mukutazi yana ni utwile hani bulela cwalo ali, “Cwale Billy mushimani, seutahelwa ki Kulyangana.” Nali kambe nenika fumana bulapeli Nenibata kuutwa mone kutahezi sina balutiwa monebaezelize.

Oho kulumbwe libizo la Hae. Natofumana bulapeli hasamulaho mi Nisa nani bona, mi ka tuso ya Hae, nikabu buluka nako kaufela.

Busihu bobun’wi Natoshwa hahulu tala ya Mulimu ni kutwisiso yani Naya kwande a muyaho wa kale kwa mandamino andu ni kulika kulapela. Nenisazibi mwa kulapelela nako yani kona kuli Nakala fela kuambola ni Yena sina Moneni kaezeza kuyomun’wi kaufela. Han’i-han’i kwataha liseli mwa muyaho mi la panga sifapano mi ni linzwi kuzwa mwa sifapano lani ambota mwa mushobo one Nisa utwisisi. Mihe laya. Nenisa komokile. Hane nikutile kuba Na, hape Nalapela, “Mulena haiba yani kiwena, shangwe hakukute uto ambola nina hape.” Nikile nabala Bibele yaka kuzwa foo nizwa kwa sipatela mi neni balile mwa Joani 4, “Balatiwa, musike mwa lumela myoya kjaufela, kono mulike kana kiya Mulimu.”

Nenizibile kuli Moya noiponahalize kuna mi haNe ni lapezi lataha hape. Mi kwa bonahala kuna kuli nekuna ni likiti la mapound azusizwe kuzwa mwa moyo waka. Natulela mwahalimu ni kumatela kwandu mi nekubonahalile inge neni kitima mwa moya.

Boma babuza, “Bill, kisikaman’i sesi kuezahalezi?” Naalaba, “Hanizibi kono Niikutwa bunde ni bubebe.” Ne nisa koni kuina mwandu sibaka. Neninani kuzwela kwande ni ku kiba-kiba.

Seniziba fani kuli haiba Mulimu nabata kuli Na nikutaze naka ni folisa, konakuli Seniya kwa keleke yenelumela mwa kutoza ka oli mi Neni folisizwe hona fani. Senibona kuli balutiwa nebanani sesin’wi seo bun’ata bwa balutiwa basina

kacenu. Balutiwa neba kolobwelizwe ka Moya o Kenile mi kacwalo neba folisa bakuli ni kueza limakazo zetuna mwa Libizo la Hae. Konakuli Senikala kulapelela kolobezo ya Moya mi naamuhela.

Ka zazi lelin'wi mwa mulaho wa likweli li ketalizoho kailin'wi, Mulimu anifa tato ya pilu yaka. Naambozi kuna mwa liseli lelituna kunibulelela kuya kuyo kutaza ni kulapelela bakuli mi nakaba folisa hakunataba butuku bone bakaba ni bona. Senikalaa kukutaza ni kueza sana ni bulelezi. Oho mulikani, Hanikoni kukala kukubulelela sesiezahalile kamukana: Meto alibofu atutubulwa. Lianga za zamaya, limbongola libile lifola ni mifuta kaufela ya limakazo iezahalile.

Zazi lelin'wi hanihata lihutu mwa mukwakwa wa Spring Street, Jeffersonville, Indiana, hasamulaho wa lisunda zepeli za ancafazo, Neni kolobeza batu baba mwanda nimashumi amalaalu. Neli zazi lelicisa la Muyana mi nekunani batu babaeza likiti ze taalu babane baliten'i. Neniatumela kukolobeza mutu wa bulishumi kaya supile fo han'i-han'i Natoutwa linzwi lani leliswana lelisansi, hape milali, "Talima mwa halimu." Lihalimu neliswana sina sipi zazi lani lelicisa la Muyana. Nelusikabe luba ni pula mwa lisunda ze taalu. Natoutwa linzwi hape, mi hape lwa bulaalu lali "Talima mwa halimu."

Natalima kwa halimu mi kwazwa naleli yetuna yebenya yenyi kile nabona han'ata haisali kono seo Neni sika mibulelela kale ten'i. Linako ze n'ata nibulelezi batu kaza kubonahalanga kwa yona mi basehangha feela ni kubulelanga kuli, "Bill, uikupulelanga feela sani. Kamba hakulata no lola." Kono kulumbwe Mulimu, ka nako ye Uiponahalize patalaza ku mutu kamukana, kakuli nesi nisutelezi hahulu fakaufi Nenisa koni kubulela. Hasamulaho mizuzu nyana haimano fita, Nahuwa mi nyangela ya talima mwa halimu kubona naleli fahalimu aka. Baban'wi ba welela baban'wi hane bahuwaka mi baban'wi ba

mata. Mihe naleli ya kutela mwa halimu, mi sibaka sene isile nesilikana ni lin'okolwa ze lishumi kaze keta lizoho kafa ni kafa, mi sibaka se sazwela pili kusisimuka ni kufeta kamba inge kuli mandinda napikuluha. Nekupangehile mwa sibaka se lilu lelinyinyani lelisweu, mi naleli yaamuhelwa mwa lilu leli nyinyani le.

Mwanahesu mubali, kambe feela Nenikaba ni sibaka mwabuka ye kukubulelala lika zen'ata zeezahalile, kamo tabenakele yaluna ne yahilwe, ni liancafazo ze n'ata zelukile lwaba ni zona. Batu batile kuzwa kwa hule ni fakaufi kutofoliswa. Kono Nikaba ni kueza buka ye bunyinyani kuli ibe ye fita kubao kaufela. Lika ze kiza kukuzibisa kuli Jesu Kreste usali yaswana mwana inez i maabani ni-kacenu mi ukaba kamita, ni kuli umu lumele mi upiliswe. Haiba wa kona, kanako kaufela liancafazo za luna liinzi bukaufi, shangwe akukene kwaten'i.

BUPAKI

Cwale fa mapampili atatama mukafumana bupaki bwa batu babanyinyani baba folisizwe ka linako za mikopano yaluna.

Nenili mwa sipatela mwa New Albany, Ind. Hane Ni utwile kaza Muzwale Branham. Neni punkilwe ki mota. Kabutu makupo aka nalobakehile. Mukokoto waka wa bondoloha. Nenisina sepo kaseo lipatela nelikona kueza.

Muzwale Branham anilapelela, mi kapili-pili makupo aka aya mwa sibaka sa ona, ni mukokoto waka cwalo. Mualafi nasa utwisisi. Nananuha, naapala liapalo zaka, naya kwandu mi naya ni kwa musebezi.

Kulumbwe Mulimu ka Maata a Hae akufolisa.

William H. Merrill, 1034 Clark St., New Albany, Ind.

Nenibile sihole ka lilimo zen'ata. Nibile fa mumbeta fa nako luli. Lingongo zaka neli zwile kacwalo neNisa koni kuzamaya. Mualafi naize hanina kuzamaya ni kamuta. Seniutwa kaza Muzwale Branham nikamo Mulimu naalabela litapelo za hae. Kabakaleo seni mubiza. Yena ni mutangana yomun'wi ya bizwa, DeArk, bata bato ni lapelela. Han'i-han'i lingongo zaka za fola. Seni zamaya. Nisazamaya. Sekufitile lilimo zene fonesiezahalezi.

Nilumba Mulimu ka Maata a Hae Amande.

Mrs. Mary Der Ohanion, 2223 E. Oak St., New Albany Ind.

Kuye likaama Kaufela,

Nibile siyanga fa nako yetelele. Lingongo zaka neli tubehile mi neniske nazamaya hape. Kuya ka lushango lwa Baalafi.

Mwanaka aniisa ku Muzwale Bill kwa mukopano wa hae, mwa sipula saka sa mawili. Busihu bwani nenii boni munna yato zamaya yanasiskabe azamaya mwa lilimo ze lishumi ka ze keta lizoho ni zetaalu. Mi hape nabona munna yaamuhela meto ahae ni ku zamaya mwa keleke kaufela kusina yamu tusa. Nabile sibofu mwa lilimo ze mashumi amane ni baban'wi baban'ata, liyanga ni matuku amifuta yemin'ata afoliswa busihu bwani. Kona kuli hane ibile nako yaka yakulapelelwa, Nenina ni tumelo kulumela ku Jesu, kuli naswana maabani, kacenu, ni kuya kuile. Muzwale Bill anilapelela, kuni swala kwa lizoho mi ali, "Mwa Libizo la Jesu zamaya."

Senitoikutwa maata a Mulimu kutaha kuna. Lingongo zaka zene omelezi fapilaka ka otoloha mi nakala kuzamaya, ni kulumba Mulimu, Nasiya sipula saka samawili sa kale ni kuzamaya lipatelo zen'ata luli kwa ndu.

Mrs. T. Hargrove, 149 Spring St., Jeffersonville, Indiana.

Neni bulelezwi kuli nikashwa lilimo zepeli ze felile kwa limbongola. Neni zibile Muzwale Bill myaha nyana. Neni muzibile kuba mutu ya sephala mi nibile mwa mikopano yahae yemin'ata. Mulimu anza mufuyola ni kubeleka limakazo, zen'ata-n'ata ka yena. Nato mubiza kuli ani lapelele. Limbongola zaka za lateha.

Nisa tabile, ni nyakalalisa ni kulumba Mulimu.

Mrs. L. Stinner, Missouri Ave., Jeffersonville, Indiana.

Neni filwe ki mualafi wa mwa lubasi lwa luna, lihola feela za kupila. Nenibile nikula limbongola myaha yenilaalu.

Munna wa libizo la Wiseheart ani bulelela kaza Muzwale Bill. Bakoboca limaele ze mashumi amalaalu ni liketa lizoho mwa litwa ni mezi-makaza kuto fita kuna. Kanako yene bafitile kwani, bun'ata bwa balikani baka ni bahesu nese

ba kopani hamoho kutoni bona lwa mafelelezo. Banaka baba sizana nebalekile litino zaka za mayumelo zene baka ni tinisa. Neni sika ziba sesin'wi kamwana fitezi Muzwale Bill kwani. Akupa kuli babasa lumeli kaufela bazwele kwa nde. Mi akubama ni kuni lapelela. Natoutwa maata a Mulimu kuna hana beile lizoho la hae kulaka, mi kapili-pili nautwa mambomgola aka nimwa keni.

Seni yema ka mahutu aka ni kulumba mulimu ka maata a Hae. Sani sibile lilimo zene ze felile mi hanisikabe niba ni limbongola kutuha fani.

Kulumbwe Mulimu ka bunde Bwa Hae.

Mrs. Sarah Hoyse, Middletown, Ind.

Nenili sihole kuzwa hani pepwa. Nenisa koni kuzamaya kamba kuitusisa mazoho aka. Neni utwile koo Muzwale Bill nanani mukopano wa kufolisa. Nayoba ten'i nikubona lika ze komosa zeezwa ka tumelo mwa Libizo la Jesu nika kubeya mazoho.

Muzwale Bill anilapelela, anitalima hande-nde mi ali, "Mwa Libizo la Jesu, zamaya." Natoikutwa maata a Mulimu kutaha fa halimu a mubili waka. Natolumela Mi lwa pili mwa bupilo bwaka nakala kuzamaya. Neninani myaha ye mashumi amalaalu kayeketalizoho.

Mulimu mwa mazazi amaungulo a ueza lika zende.

Kulumbwe Libizo la Hae kamita.

Kasizana kakanyinyani kaluna, ka libizo la Betty, neka kulile mwa likweli ze taalu. Nelunani baalafi bababeli bene bazibahala mwa munzi, kono kubonahala kuli, neba sa fumanzi butata. Hape nelunani bakutazi bakabubo mwa tolopo ni nahe bakumu lapelela. Azwelapili hanyinyani hanyinyani mwa

butuku. Mihe lwa lumela kwa Jeffersonville, Ind., ku munna wa libizo la Rev. Wm. Branham, yanani mpo ya Kufolisa kwa bumulimu. Muzwale Bill, kuya kamwa bizezwa, ataha kuluna kapili. Hasa mulaho wa lihola za kulpela, akena mwahali alubulelela kuli Mulena namubonisize sa kueza kaza Betty wa luna yomu nyinyani. Nasiezi feela litalo fa masapo kongolo ni ku njanjanga inge wa luulu. Muzwale Bill alukupa kuli lulumele Mulimu ni kuutwela sana bulezi kusieza. Hasamulaho wa kulapela ni kumubizeza Libizo la Jesu, kasizana kaluna kakanyinyani kafoliswa kapili-pili. Sani siezahalile likweli ze lishumi zefitile. Betty wa luna yomunyinyani cwale umwa buiketo bobunde mi ununile mwa konela. Nikataba kun'olela mutu kaufela kaza foliso ya hae, kamba yen'wi ya lifoloso zeneezahalile ka nako ya ancafazo ko Muzwale Branham nanani mwa St. Louis ka 1945.

Foliso yene ezahalile mwa st., Louis ifumanwa mwa buka ye bizwa "Pono ya Lihalimu," ka Muzwale Branham. Musepahale muibale.

Rev. Robert Daughtry, 2009 Gano Ave. St. Louis, Mo.

KUYE LIKAAMA KAUFELA:

Nibile mwa mumbeta fa mukokoto waka mwa myaha ye ketalizoho kaye milaalu ni likweli liketa lizoho kazene ni T.B mi baalafi neba katezi kaana. Nenisa koni nihaiba kuweta likala ze mashumi aketa lizoho mi nekubonahala kuli sepo kaufela nefelile. Mi kuzwa kwa Jeffersonville, Ind., mwendi limaele ze mashumi amalaalu ka zeketa lizoho kuzwa kwa hae kuluna, kwataha Rev. Wm Branham, mwa pono yana boni ngunyana yana swasizwe mwa lihalaua mi na huwa "Millton" (kwani kona koni pila.) Muzwale Branham nasikaba kwanu haisali kamba kuzibwa ki mutu kaufela kwanu. Hakena, abeya mazoho kuna mi alapela, anza ni bizeza Libizo la Mulenaluna yalatiwa Jesu. Sesin'wi sa

bonahala kuezahala kuna mi honafani seni yema ni kulumba Mulimu ka maata a Hae akufolisa. Nazwela kwande lwapili mwa lilimo liketalizoho kaze taalu, mi Neni kolobelizwe mwa nuka, mwa libizo la Jesu Kreste. Seli Na yalizanga piano kwa keleke ya Baptist kwanu. Sihulu-hulu kuya ka foliso tuna ye. Hanina sibaka mwa bupaki bo kubun'ola kaufela. Nika taba kun'olela ni kubulelala kakutala kuyaitakaleza mwa foliso yaka.

Georgia Carter, Millton, Indiana.

KUYE LIKAAMA KAUFELA:

Nenibile napazulwa mi Nenibile ni mambongola kuzwa hani pazulwa. Neniezize zene Ni ziba kaufela kuba ni buiketo bwaka, kono na palelwa. Musalaka hape niyena naakula mi seluutwa kaza Rev. Branham mi nikamo Mulimu nabelekela kufitela kuyena kwa kufolisa bakuli. Seluya kwa ndu ya hae kala Sunda lelin'wi musihali likweli zesilezi zefelile, mi hanelufile lwa fumana baban'wi kwani ka mulelo o swana, mi banze bafola. Mi lwaba ni ngambolo ni Muzwale Branham ni kumu kupa haiba nakaeza sesin'wi kuluna. Lwa mubulelala kuli neluli ba Katolika kona alubulelala kuli foliso ya Mulimu neifita kuya lumela kaufela. Aluhupuza kaza musali wa katolika yana amuhezi meto ahae kakuli nakupile Mulimu kumutusa, mi cwale wakona kuipalela ze n'ozwi. Nali ya bofalile maswe kuli naetelelwanga kwandu ya hae. Kutuha fo musalaka ni Na lwa lapelelwa mi sibeli sa luna lwa fola. Limbongola zaka za lateha! Lubaba tabile cwale ni buiketo mi kakusasa ni kakusasa hani zuha fa mumbeta nina ni kulapelela Muzwale Branham lihola ze taalu ni musebezi wa hae wa Mulimu. Ni nani musebezi waza malaiti mo mwa tolopo mi Sunda ni Sunda kakusasa luyanga kwa early mass mi nikuakufa kusila mutano kwa Branham Tabernacle. Hape lwabanga ten'i mwa lisebelezo za busihu ni mukopano wa

busihu wa litapelo la Bulaalu. Lubanga ni nako yende mi kubonahalanga sina kupila mwa lifasi lelinca. Nika alaba ka tabo lin'olo kamukana ka puzo ya foliso yaka.

Louis H. Head, 417 Garnet Court, Louisville, Ky.

Nibata kuekeza bupaki bwaka ka kanya ya Mulimu kaza foliso ya bu Mulimu. Mwa lilimo ze taalu Neni fenyeha ka siloba, senesizwela pili kuhasana ni kuhula kakusabisa, kufitela buse bwa mazoho aka ni fahalimu a mahutu kwaba sikoko. Naluluhile maswe ni litombo-tombo. Ka Lungu 11, 1945, Muzwale Branham anitoza mi ani beya mazoho mwa tapelo, kono baken'isa kuikutwa hande, Na zwela pili mwa butuku, mi sina haNe ni itusisanga oli fa mazoho aka ni mahutu, Nahupula kuli lani nelilona libaka leneNisa foleti. Kona kuli Naitakaleza kutuhela kuitusisanga milyani kaufela ni kusiya taba kaufela ku Mulena. Kala Mbuwana 10, Muzwale Branham ni Muzwale Seward bani lapelela hape mi Mulena ani folisa, kulumbwe Libizo la Hae leli kenile! Fani Muzwale Branham nani tozize kaza kuopa kokun'wi. Mahutu aka aopa kuli neli kozi kuli ni zamaye. Kono kutuha foNeni tozelizwe, mahutu aka aba atile, mi kacenu Nakona kuzamaya musipili omutelele Nisa katazwi ki lihutu kufita hanenili fahule nyana ni tozo. Mi Niitakaleza kuekeza kuli se hasi zibo yaka yapili ka za faliso ya Bumulimu. Lilimo ze mashumi amabeli ni ilin'wi ze felile, Neni keni mukopano wono zamaisizwe ki ba Rev. C. H. Erickson kwa Columbus, Ind. Baban'wi neba foliswa kwa makulano ashutani mi sina haNeni katazwa ki butuku bobumaswe bwa muenge ka nako ye telele mi Neninani sene sini melile fa liito laka la silyo kuli nese siapesize kubona kwaka (mi nesikani bofaza mwa nako), Na, nina, nakupa Mulena kuli ani folise mi Aeza. Neni sika katazwa hape ka butuku bufi ni bufi. Naamuhela mbuyoti ye ninze niinzi mwa sipula saka, sina haNenisika kupa litapelo za Rev. Erickson. Niboni lifoliso ni kuutwa ni kubala bupaki bwa baban'wi.

Bukaufi bwa lilimo zepeli ze felile Nenifitile fa kaufi ni Prospect, Ky. Mbututu yomunyinyani yana kula, nalobezi fa kaseme mwa patelo mi bomahé bani bulelela kuli nese kufitile likweli zene mi inza kula mwa bupilo bwahae bobukuswani. Neli mbututu yesisaní maswe mi neisakoni kuanya kusina kulila ha butuku. Kala Sunda lelitatama Nabulelela Muzwale Branham kaza mwana. Yena ni kopano ba lapelela mbututu, mi hasa mulaho a lisunda nyana Nayofita kwa lapa lani kubuza kaza mbututu. Nanzaba hande ni kuba ni maata. Nakena mwahali kuyo mubona, nasweli kuanya mi ni kuikola ona. Kun'ozwi kuli Ndataluna wa lihalimu ufile Mwana Hae Jesu Kreste, maata kaufela mwa lihalimu ni mwa lifasi, mi u Mufile libizo leli fahalimu a libizo kaufela, mi Pitrosi naize kuli neli mwa libizo la Hae, ka tumelo mwa libizo la Hae, kuli munna wa sihole nafolisizwe fa Munyako wa Tempele. Ki kulona libizo leliswana lani la kanya mo lika ze makaza liezwa kacenu. Mi halufoliswa ka tapelo ya tumelo, ye haki yona feela mbuyoti yeluamuhela, kono izamaelela ni sepiso ya swalelo ya libi. Jak 5:15.

Kulumbwe Mulimu kuli lunani mwa lifasi leli zieza le kacenu, banna sina Muzwale Branham, Errickson, John Sproul ni baban'wi bao Moya ufile mpo ya kufolisa. Jesu Kreste ki ya swana maabani, kacenu ni kuya kuile. Mi Yena wakona mi waitakaleza kulufolisa Hana kutilize Evangeli ya Mubuso ni kufolisa batu lilimo ze myanda ye mashumi kaye mine ye felile. Neni boni Joan Gray, mbututu yenyinyani yene kula, kala Muyana 26. Fa cwale ufitelezi likweli ze mashumi amabeli ka ze supa za kupepwa mi hape uiketile kamwa konela.

Wa mina ku Kreste Jesu,

G.W. Jones, 705 E. Maple St., Jeffersonville, Ind.

Balikani babalateha, kuna ni baban'wi babafolisizwe mi batabela kufa bupaki bwabona kakuba lipaki kwa maata

a Mulimu kono haluna sibaka sa bona cwale mwa kabuka kakanyinyani ka. Bupaki bobufilwe bo kibwa kumi susueza kulumela Jesu Kreste ni kumuziba kakuba Mupulusi wa mina ni Mufolisi.

Baban'ata bababalanga Bibele, bali, "Kambe Neni pilile mwa linako za Bibele, Neni kaya ku Jesu mi Naka nitusa." Mulikani, kiyofa kacenu kukutusa, sina mwanainezzi mwa zazi lani. Akulumele feela Moya o Kenile, Yena ki Paki ya Jesu. Shangwe, hakun'ole koufumaneha, aku Mulumele, mi uka foliswa.

KUTAZO

Palo yaluna ifumaneha mwa Isaya 53:5.

“Kanti s’ana holofalelizwe ki libi zaluna, s’ a n’ a titikezwi ki bumaswe bwa luna. Koto yelumani kozo kayona iwezi Yena fahalimu mi halu folisizwe ki ka miupa ya Hae.”

Cwale mulikani, Bibebe ili “halu folisizwe ki kamiupa ya Hae.” Mi lukalumela lusanani swalelo ya libi kaku suluha kwa mali a Hae, hakuna taba kaze luezize. Kikabakalan’i? Kakuli nesili mwa swalelo, mwa bulela. Kana miupa ya Hae n’esi ya foliso mwa swalelo hape? Mihe haiba swalelo ya foliso ilatehezwi ki maata ayona, kona kuli muinzi mwa libi za mina; kakuli, swalelo ya libi za mina neipangilwe ka Mali aswana kuzwa ku mutu ya swana fa sibaka sesi swana, kanako ye swana, ka zazi leliswana.

Konakuli mukaba ni kubulela kuli libelekisana hamoho kabe kusiewalo nelisike zaba ni maata.

Batili, mulikani, ulumela Jesu nto yeswana kwa foliso ya hao mona mo ezeza kwa libi za hao, mi ni swalelo ikaba ni maata aswana. Ikakubelekela ka nzila yen’wi, haulumela kuli neipangezwi wena mwa zazi le sina kubani mwa lizazi lani.

Sina hamushetumuka kuya kwa nuka kuyosila fa masilelo a pantunu, mwabona baban’wi banze basila, cwale kin’i hamusakoni? Hamuna kuya ku kapitao wa mukolo wani kumubuza kana mukolo uka nanuha kamba cwan’i. Hamulife feela mali amina, hamukene ni kuinafafasi. Kukaitinga kumuzamaisi kumiisa mwa buse bwa nuka.

Ki kamufuta woswana ka Foliso ya Mulimu, haubona baban’wi banze ba foliswa mi ni wena wakona kufola hape. Feelazamaya ku Jesu. Tifo mwa taba ye ki tumelo, mihe kuka itinga ku Jesu kukupunyuhisa.

Oho, muzwale ni kezeli, aku Mulumele, ni wena hape wakona kufoliswa. Zazi la limakazo halisika fela kubani babalumela halisika fela.

Kisikaman'i sa pili semuezanga hamu nahana kaza papali? Mwaanga buka ya basali yakale haiba kazazi lani buka ili kukanelia pula kamba kukaba hande. Mi mukatabela haibulela kaza bunde. Kona kuli mukanyakalala ni kubulela kuli, "Lukaitukiseza za papali zazi lani." Mukaleka lico kaufela za musihali za mina ni kuitukisa kaza kuya kabaken'isa kuli buka ibulezi ka "bunde."

Oh, muzwale ni kezeli, mubeya hahulu tumelo yani mwa buka ya almanac, kin'i hamusalumeli mwa Linzwi la Mulimu? Muhupule Mulimu akile abanga ni baban'wi babalumela, kikabakalan'i hausabi alimun'wi wa bona cwale? Akubale Mareka 16 ni kubona kuli taelo ya mafelelezo yene filwe kwa keleke neli kufolisa bakuli. Naize, "Kize limakazo ze kaya ni bona."

Haiba keleke ya mina ibulela kuli balumela mi lisupo hali lateleli, kona kuli kuya ka Linzwi la Mulimu haba lumeli.

Hamuka buza yomun'wi kacenu kaza sisupo sesinde sa mulumeli mi uka supa yomun'wi yainzi mwa siyemo sesinde sa bupilo. Yani yakolekanga ka bun'ata fa mukeke wa koleko. Oho mulikanaka, baban'wi bakubona hakuna seba ziba kaza Mulimu kufita mbonezikai mwa zibela kaza busihu bwa Egepita, mi baban'wi bakubona kibaituti babande babazwa kwa lituto za bupatiri ni bona. Kono haulukeli kuba muituti fakuli uzibe Mulimu. Kono ulukela kueza kabutuna kufita bun'ata bwa bona, muna ni kulumela mi haiba mukaeza lisupo mwa Mareka 16:17-18 likami latehela sina Jesu hanaize likalatelela.

Muhupule mwa Mareka 16 ili mubulelele libupiwa kaufela Evangeli. Mwa kona kubulela kuli, "Muzwale Branham, Evangeli ki sika man'i, kuli luzibe kana lunani yona kamba kutokwa. Kana ki Linzwi?"

Paulusi naize Evangeli itaha kuluna isi feela mwa Linzwi kono ka Maata ni ka Ponahazo ya Moya o Kenile. Mihe kana hamuna kuba ni Maata a Moya o Kenile kaku bonahaza lisupo za Mareka 16?

Haluyen'i hamoho mwa Timotea wa bubeli kauhanyo ya 3 ni kubona kamo Moya o Kenile ubulelela kuli mwa mazazi a maugulo batu bakaba ni mubonahalelo wa bumulimu kono baka hana maata aten'i, mi kwa batu babacwalo Bibebe imibulelela kuli mukeluhe kwaten'i.

Hakisona seo sisupo sa kuli lupila mwa mazazi amafelelezo? Batu bahana maata akufoliswa ni kulukuluha luli kuzwa kwa sibi.

Likeleke lisweli zaabata sipimiso sa mufutumalo siya fa 60 mwatasa zero. Hamukoni kuba ni tulo ni kupeta foliso ya Mulimu kaza makadi a mikiti ni makwai. Batu baban'wi bayanga kwa keleke la sunda kakusasa ni mushanga omutuna mwa mulomo wa bona, kubonahala sina poho ye lobilwe manaka ya mwa Texas. Linzwi li bulela kuluna kuli luikenise ili luna kuzwa kwa masila kaufela. Oho muzwale, keluha kwa lika za hao za lifasi mi sebeleza Mulimu. Kona kuli ukaku lumeleza kuzamaya mwa nzila ya Hae ye kambama ya kuluka sina Isaya kauhanyo ya 35 moneiambolela.

Haiba mutu naka mitiseza mali akuma fa \$70,000.00 nemukakala kunyakalala. Hane ni kamibuza senemukaba babanyakalalile cwalo, nemuka alaba kuli nemuna ni \$70,000.00. Hane Nika hana nemukani tambeka mashelen'i. Hane Nika bulela kuli neli feela siemba sa pepa sesinani zen'ozwi ten'i nemuka alaba kapili kuli nekunani \$70,000.00 yenezusizwe kiba Muuso wa U.S, mali asikan'olwa kale mi sani he muuso neuka siyemela.

Muzibehe cwale kuli Jakobo 5:14 ibulela kuli tapelo ya tumelo ika pilisa ya kula. Mwakona kubulela kuli yani neli pampili feela yenenanani zen'ozwi ten'i. Kono muzwale, lihalimu kamukana la pakela Bibebe.

Hamubala Linzwi la Hae muhupule sepiso i kumina. Mihe mukale kunyakalala mi Uka mifolisa.

Yena ki Mulimu yaswana kacenu ni kuyakuile. Amen.

LOZI

©2011 VGR, ALL RIGHTS RESERVED

VOICE OF GOD RECORDINGS
P.O. Box 950, Jeffersonville, Indiana 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Kreste. Buka ye hailekiswi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org